

վախճանեցաւ Փիլիպպոս Աղբակեցի, և ինք կաթողիկոս ընտրուեցաւ. «Մինչ էր նա անդ ի Ս. Նախավկայի վանքն, կ'ըսէ Ջաքարիա Սարկաւազ, մեռաւ Փիլիպպոս կաթողիկոսն ի Ս. Էջմիածին ի ՌՃԴ թուին: Եւ առաքեցին սուրհանդակ, և բերել զնա՝ և օրհնեցին կաթողիկոս ի Ծաղկաղարդի կիւրակէն» (7): Իր կաթողիկոսութեան առաջին տարիներուն շարունակուեցաւ կառուցումը Շամբուձորի վանքին և աւարտեցաւ 1662ին (8):

Սիմէոն կաթողիկոս իր «Ջամբու»ին մէջ խօսելով Յակոբ Զուղայեցիի մասին կը գրէ. «Սա էր այր հոգեւրնկալ և առաքինի, իմաստուն և հանճարեղ, հեզ և երկայնամիտ» (9): Ջաքարիա Սարկաւազ զայն կը կոչէ. «Երանելի Հայր մեր և պատուական հայրապետ, որդի բարեպաշտի» (10): Առաքել Դաւրիժեցի զինք կ'անուանէ. «Մեծահոգ և երկայնամիտ Հայրապետ» (11): Ծանապարհորդ Շարտէն նկարագրելով իր տեսակցութիւնը Յակոբ կաթողիկոսին հետ, կ'ըսէ. «1673 Մարտ 16ին Հայաստանի պատրիարքը տեսայ... բոլո-

(7) Ջաքարիա, Աճղ 60:

(8) Առաքել Դաւրիժեցի, Աճղ 267:

(9) Ջամբու, 23:

(10) Ջաքարիա, Աճղ, Հաս. Բ. էջ 59:

(11) Առաքել Դաւրիժեցի, Աճղ 517: